



ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ



«Հայաստանի ազգային պոլիտեխնիկական համալսարան» հիմնադրամը (այսուհետ՝ ՀԱՊՀ), ի դեմս ռեկտոր, պրոֆեսոր Ոստանիկ Մարուխյանի, ով գործում է ՀԱՊՀ-ի Կանոնադրության հիման վրա՝ մի կողմից և «Գորիսի պետական համալսարան» ՊՈԱԿ-ը (այսուհետ՝ ԳՊՀ), ի դեմս ռեկտոր, պրոֆեսոր Արտուշ Ղուկասյանի, ով գործում է ԳՊՀ-ի Կանոնադրության հիման վրա՝ մյուս կողմից, (այսուհետ՝ Կողմեր), հիմք ընդունելով միջբուհական համագործակցության ապահովման, կողմերի գիտատեխնիկական և կադրային կարողությունների լիարժեք օգտագործման և առաջավոր փորձի փոխանակման անհրաժեշտությունը, կնքեցին համագործակցության հուշագիր (այսուհետ՝ Հուշագիր) հետևյալի մասին.

1. Հուշագրի առարկան

1.1. Հուշագրի առարկան Կողմերի համագործակցության նպատակի, գործընկերության հիմնական ուղղությունների, Կողմերի իրավունքների և պարտականությունների սահմանումն է:

2. Հուշագրի նպատակը և համագործակցության հիմնական ուղղությունները

2.1. Հուշագրի նպատակը Կողմերի միջև կրթական և գիտահետազոտական ոլորտներում գործընկերային հարաբերությունների հաստատումն է, համագործակցության ծրագրերի իրականացումը՝ Հուշագրի 2.2. կետում նախատեսված ուղղություններով:

2.2. Կողմերի համագործակցության հիմնական ուղղություններն են.

ա/ ՀԱՊՀ-ում և ԳՊՀ-ում իրականացվող կրթական, միջազգային ծրագրերի մասին տեղեկությունների տրամադրում, համատեղ ծրագրերի իրականացմանն ուղղված աշխատանքների քննարկում և կազմակերպում,

բ/ ՀԱՊՀ-ում և ԳՊՀ-ում մշակված առարկայական ծրագրերի, կրթական ծրագրերի արտաքին փորձագիտական գնահատման աշխատանքների իրականացում,

- գ/ սովորողների և պրոֆեսորադասախոսական կազմի անդամների ակադեմիական շարժունության իրականացում՝ նախապես հաստատելով փոխանակման պայմանները, ֆինանսավորումը,
- դ/ կրթական ծրագրերի և/կամ առանձին դասընթացների համատեղ մշակում՝ սովորողների համար հնարավորություններ ստեղծելով կրթություն ստանալու նաև հեռաուսուցման միջոցով,
- ե/ սովորողների և դասախոսների մասնագիտական վերապատրաստումների, վարպետության դասերի, կլոր սեղանների, թեմատիկ բանավեճերի համատեղ կազմակերպում,
- զ/ համատեղ գիտահետազոտական ծրագրերի իրականացում,
- է/ ՀԱՊՀ-ի և ԳՊՀ-ի գիտական ամսագրերում համատեղ ուսումնագիտական հետազոտությունների արդյունքների հրատարակում.
- ը/ Ուսանողների գիտահետազոտական, գիտամանկավարժական, ուսումնական արտադրական պրակտիկաների փոխադարձ կազմակերպում,
- թ/ սովորողների ավարտական աշխատանքների, մագիստրոսական թեզերի փոխադարձ ղեկավարում և գրախոսում, գիտակրթական և մեթոդական գրականության ու մասնագիտական էլեկտրոնային աղբյուրների տրամադրում, գիտական աշխատությունների, դասագրքերի, ուսումնական նյութերի, ուսումնամեթոդական ձեռնարկների համատեղ մշակում և խմբագրում,
- ժ/ գիտաժողովների համատեղ կազմակերպում,
- ժա/ կրթական, գիտական համատեղ ծրագրերի իրականացում,
- ժբ/ կողմերի կազմակերպած այլ կրթական, գիտական, մշակութային ծրագրերին և կողմերի իրականացրած համատեղ հետաքրքրություն ներկայացնող միջոցառումներին փոխադարձ մասնակցություն:

3. Կողմերի իրավունքներն ու պարտականությունները

- 3.1. Կողմերն իրավունք ունեն հանդես գալու Հուշագրով նախատեսված միջոցառումների կազմակերպման ու անցկացման նախաձեռնողի դերում:
- 3.2. Համագործակցության սպատակով, Հուշագրի հիման վրա, Կողմերը պարտավորվում են.
- ա/ ժամանակին միմյանց տրամադրել համապատասխան տեղեկատվություն, որը վերաբերում է Հուշագրով նախատեսված համատեղ ծրագրերի ու միջոցառումների անցկացմանը,
 - բ/ անվճար հիմունքներով միմյանց խորհրդատվություն տրամադրել ծրագրի ու միջոցառումների կազմակերպման ու անցկացման հարցերում,
 - գ/ ապահովել անհրաժեշտ պայմաններ՝ համատեղ ծրագրերի և միջոցառումների համար,
 - դ/ նախօրոք տեղյակ պահել միմյանց համագործակցության ընթացքում առաջացող խնդիրների մասին և համատեղ ուժերով ապահովել դրանց լուծումը:

4. Հուշագիրն ուժի մեջ մտնելու և գործողության ժամկետները

- 4.1. Հուշագիրը ուժի մեջ է մտնում Կողմերի ստորագրման պահից:
- 4.2. Հուշագիրը կնքվում է 5 տարի ժամկետով: Ժամկետը լրանալուց հետո, եթե որևէ Կողմից առարկություն չի լինում, ապա Հուշագրի գործունեության ժամկետն ինքնըստինքյան երկարաձգվում է ևս 5 տարով:
- 4.3. Հուշագիրը կարող է լուծվել Կողմերի փոխադարձ համաձայնությամբ:
- 4.4. Կողմերից մեկի նախաձեռնությամբ Հուշագրի դադարեցման անհրաժեշտության դեպքում մյուս Կողմը պետք է տեղեկանա այդ մասին գրավոր՝ ենթադրյալ լուծման պահից առնվազն մեկ ամիս առաջ:

5. Եզրափակիչ դրույթներ

- 5.1. Հուշագիրը Կողմերի համար որևէ ֆինանսական և իրավական պարտավորություն չի առաջացնում:


6. Կողմերի իրավաբանական հասցեները

«Հայաստանի ազգային պոլիտեխնիկական
համալսարան» հիմնադրամ
Հասցե՝ ՀՀ ք. Երևան, Տերյան 105
Էլ. Հասցե՝ info@polytechnic.am
Հեռ.՝ +374 10524629; +37410567968

«Գորիսի պետական համալսարան
պետական համալսարան» ՊՈԱԿ
Հասցե՝ ՀՀ, ք. Գորիս, Ավանգարդ 4
Էլ. Փոստ՝ gorissu@mail.ru
Հեռ.՝ +374 0284 2 27 67; 098196701

Ռեկտոր
Ոստանիկ Մարուխյան

Ռեկտոր
Արտուր Գուկասյան


Կ.Տ.
« 22 » 02 2020թ.


2020թ.

